



**Geschichte der geistlichen Stiftungen, der adlichen
Familien, so wie der Städte und Burgen der Mark
Brandenburg**

[Urkunden-Sammlung für die Orts- und spezielle Landesgeschichte]

Riedel, Adolph Friedrich

Berlin, 1857

CXIII. Kurfürst Albrecht belehnt Gebrüder und Vettern von Arnim mit dem Schlosse Zichow und dessen Zubehörungen, am 17. Februar 1472.

Nutzungsbedingungen

[urn:nbn:de:hbz:466:1-54745](https://nbn-resolving.org/urn:nbn:de:hbz:466:1-54745)

CXIII. Kurfürst Albrecht belehnt Gebrüder und Vettern von Arnim mit dem Schlosse Zichow und dessen Zubehörungen, am 17. Februar 1472.

Wir Albrecht etc. Bekennen —, das wir vnfern lieben getrewen henningk, Achim, Claus, hans vnd Berndt, gebrudern vnd vettern, die von arnym genant, vnd allen iren rechten lehenserben dise nachgeschriben lehen guter, Jerliche czinse vnd Rente czu rechtem manlehen vnd gesampter hant gnediglich gelyben haben, Nemlich das Slosz Czichow mit allen vnd Jeglichen gnaden, rechten, freyheiten vnd gerechtigkeiten, dorffern, obirsten vnd nidersten gericht, lehen, geistlichen vnd werltlichen dorczu gehorende, ackern, holczern, grenitzen, dinsten, mollen vnd mollenstetten, pfantschafften, angefallen vnd sunst mit aller nuczunge vnd czugehorunge, nichts aufgenomen, In allermaße als sy das bizher von vnferm lieben Brudere marggraf fridrichs seligen czu lehne gehabt haben. Item Im dorffe czu lutzelow dritzein marck vnd czwe hundert marck vnd VIII schilling, vier scheffel vnd einen winspel korns, roggen, haberen, gersten vnd erwisen, die helfte an dem strassen richte, So müssen die buer In auch czu allen vierzeitten einen tag helfen pflügen, czwe schock vnd achtzeihen hunere, den zehend vnd rauch hun, mit den Sehe vnd dyke dorczu gehorendt, vnd czu wallin vff funff vnd czweinczigste halb hufe bete vnd dinst, tregt an gelde funff vnd virczig marck vnd an korne funff winspel one acht scheffel. Item Gustow mit allem Rechte, nichts ufzgenomen, den pacht vf vier hundert marck vnd czwe marck vnd czwelff schilling, den dinst, Strassen recht, dat kirchlehen, rauchhun, drey schock vnd achtzeihen huner vnd eyflthalben scheffel erweisen. Item czu Swanenberg czwe hundert vnd drey vnd Neuntzig marck funff schilling, den dinst, das strassen recht vnd kirchlehen, den zendt vnd rauchhun, mit dem Sehe czu dem Slosse czu Czichow gehorende. Czu falkenwalde vierhundert vnd vier vnd funfzig margk vnd czwelff schilling, den czehendt, dinst, strassen recht, kirchlehen vnd rauchhun vnd vier winspel korns an drey scheffel. Item das dorff czu Czichow czinfet drittzigk vnd hundert marck mit dem dinst, Strassen recht, czehendt vnd rauchhun vnd das ackerwerck czu dem Slosse: vff das veld golme zwe vnd drittzig hufen, czinzen czweinczigk winspel korns, czwei teil am kirchlehen, czwe teil am strassen Recht vnd an den wesen vnd holzen. Czu bitkow vierzeihen hufen, geacht vff hundert marck vnd czwelff schilling, den dinst, rauchhun vnd an den Sehe vnd strassenrecht ire teil nach anzal der hufen, vnd Siben Collessen, der gibt iczlich ein vnd czwinczig huner. Item czu bryft obir czein hufen bete, geacht uff neunczeihen marck vnd vier schilling, anderthalben winspel korns vnd vier scheffel. Item das veld czu kleynow halb, geacht vff achtzeihen marck, mit dem Sehe, vnd die ander helfft geet von In czu lehne; Item die mollenstete czu passow: vnd wir verleyhen In die obingeschriben lehen gutere, Jerliche czinse vnd rente so gegenwertig, In Craft vnd macht diffes briefes, Also das sie vnd alle ire lehens erben, die nbu hinfurder vnd hernachmals von vns, vnfern erben vnd der Marggraueschaft czu Brandenburg czu rechten manlehen vnd gesampter handt haben, nehmen vnd entphan, so oft vnd dick des not ist, vns auch dorvon halten, thun vnd dynen sollen, als manlehens recht vnd gewonheit ist, dauon si vns auch gelobt vnd gefworen haben, vns vnd vnfern erben gewartig, getrew vnd gehorsam czu sein, alzeit vnser, vnser erben vnd nachkomen vnd vnser herrschaft fromen czu werben vnd schaden czu wenden, one arg vnd an geuerde, als ein jeglich man seinen lehen vnd erbhern pflichtig vnd schuldig ist. Wir verleyhen In biran, was wir In von Rechts wegen daran verleyhen sollen vnd mogen, doch vns vnd vnfern Erben an vnseren vnd sunst einem Iderman an seinen gerecht-

keiten vnſchiedlich. Czu vrkunde mit vnſerm anhangenden Inſigel verſigelt. Datum Coln an der ſprew, am montage nach Inuocauit, Anno etc. LXXII.

Nach dem Churm. Lehnſcopialbuche XXV, 43.

CXIV. Kurfürſt Albrecht verleihet an Achim und Ulrich von Blanckenburg das Schloß Stolzenburg, am 7. März 1472.

Wir Albrecht etc., Bekennen — Als der hochgeborn furſte, vnſer lieber bruder Margraue friderich, ſelig, vnſrem Rate vnd lieben getrewen Achym von Blanckenburg vnd vlrich von Blanckenberg, ſeinem vater, vnd ir beyder menlich leibs lebens erben das Slos Stollemberg mit ſeiner czugehorung, Dorfern, czinſen vnd Rennten czu rechtem Manlehen vnd czu gefambter hant von beſundern gnaden gnediglich gegeben vnd verlihen het, Allſo haben wir dem gnanten Achim vnd vlrich von Blanckenberg vmb irer vleiffigen bete auch willigen getrewen diñt willen, das gnant Slos Stollemberg mit aller ſeiner czugehorung czu rechtem Manlehen vnd gefambter hant vnd beſunder gnaden auch gnediglich gegeben vnd verlihen, Geben vnd verleihen Ine das alſo czu gefambter hant vnd manlehen In Craft ditz briefs, Allſo das ſie vnd ir beyder menlich leibs lebens erben das gnant Slos hinfurder von vns vnd vnſren erben vnd nachkomen czu rechtem Manlehen vnd gefambter hant haben, halten, beſitzen, Auch ſo oft des not thut empfan, vns auch darvon halten, thun vnd dienen ſollen, als manlehen vnd gefambter hant recht vnd gewonheit iſt, Allſo ob der gnant vlrich von Blanckenberg on menlich leibs lebens erben ſturbe, das dann ſolch Slos Stollenberg mit aller ſeiner czugehorung an den gnanten Achym von Blanckenberg vnd an ſein menlich leibs lebens erben kumen ſoll, vnd deſgleichen widerumb, ob Achym on menlich leibs lebens erben ſturb, ſo ſoll das gnant Slos an vlrichen vnd ſein menlich leibs lebens erben kommen vnd fallen. Wir verleyhen In hiran, was wir In von rechts wegen daran verleihen ſollen vnd mogen, doch vns vnd vnſren erben an vnſern vnd ſunſt yderman an ſeiner gerechtikeit vnſchiedlich. Datum konigſperg, am Sonabend nach Oculi, Anno etc. LXXII^{ten}.

Nach dem Churm. Lehnſcopialbuche XXV, 47.

CXV. Schreiben des Kurfürſten Albrecht an Hans von Buch auf Stolpe wegen Schonung der zu Vierraden gehörigen Holzungen, vom 28. März 1472.

Wir Albrecht etc., Embieten vnſrem vogt czu vierraden, hannſen von Buck, vnſeren grus czuuoeren, lieber getrewer. Nachdem wir dir vergonnet vnd czugeben haben, das du Jerlichen ſur ſechczig oder ſibenczig guldin holcz aus den haiden verkauffen mocht, Laſſen wir vns beduncken, Es mocht den haiden wuſtung vnd ſchaden bringen, deſhalben wollen wir dir ſibenczig guldin Jerlich die czeit aus deiner beſtellung darfur geben, ſchreiben dir das auch czu